

МЕСЯЦА ЯНВАРЯ В 25^{БИИ} ДЕНЬ.

(SERVED THE CLOSEST SUNDAY TO THAT DATE)

**СЛУЖБА
СВЯТЫМ НОВОМУЧЕНИКОМ
И ИСПОВЕДНИКОМ РОССИЙСКИМ**

Текст Службы святым новомученикам воспроизводится по оригинальному изданию Русской Православной Церкви Заграницей

Служба сопровождается подстрочными примечаниями с указанием, какие именно святые поминаются в ее песнопениях. Текст Похвального слова митрополита Анастасия (Грибановского) сверен по изданию: **НОВЫЕ МУЧЕНИКИ РОССИЙСКИЕ**. Первое собрание материалов. Составил протопресвитер М. Польский. Типография преп. Иова Почаевскагв. Holy Trinity Monastery, Jordanville, N.Y., 1949 г. Список святых новомучеников, почитаемых Русской Православной Церкви Заграницей, воспроизводится без исправлений (за исключением перевода на современную орфографию) по Свято-Троицкому календарю на 1998 год. Уставные указания к Службе дополнены Марковой главой о праздновании святым новомученикам в Неделю о мытаре и фарисее, о блудном сыне или мясопустную в соответствии с уставными указаниями в Триоди Постной.

Совершается память их в Неделю, ближайшую к 25-му ианнуариа. И аще будет 25-е ианнуариа в понедельник, вторник или среду, поем новомучеником в Неделю, яже есть пред сим, аще ли будет в четверток, пяток или субботу, поем им в Неделю последующую. Аще прилучится 25-е ианнуариа в день недельный [воскресный], поем службу новомучеником в той же день, службу же святому Григорию Богослову в 27-й день ианнуариа купно со службой святителю Иоанну Златоусту. Предваряет тогда служба святителю Григорию. Ведомо буди и сие: служба сия бывает, наченши от 22-го и восходящи до 28-го ианнуариа. И аще прилучится тогда Неделя мытаря и фарисеа, или блуднаго, или мясопустная, поем новомучеником с Триодию непременно, якоже трием святителям по Марковой главе. Аще прилучится в той же день память великаго святаго, поем святому великому в субботу ближайшую, или в иной день. Аще же будет где в той день храм, поем службу храма с Триодию непременно, святым же новомучеником во грядущую Неделю.

Подобает ведати, аще случится память святых новомучеников в Неделю мытареву, или блуднаго, или мясопустную, поем службу их с Триодию сие.

На малей вечерни поем вся, якоже на ряду в службе новомучеником писано есть. На велицей вечерни на Господи, **воззвах**: стихиры воскресны 3, Триоди 3 и новомучеником 4, Слава, Триоди, И ныне, Богородичен догматик гласа. На стиховне стихиры воскресны, Слава, новомучеником, И ныне, Триоди. По **Ныне**

отпускаеши: Богородице Дево: дважды и тропарь новомучеником единожды. На утрени, на Бог Господь: тропарь воскресен дважды, Слава, новомучеником, И ныне, Богородичен по гласу тропаря новомучеником. По кафисмам, седальны воскресны с Богородичны их. Таже полиелей. И аще поеши святым новомучеником в Неделю блуднаго или мясопустную, ко двум полиелейным псалмам припеваеся и третий, еже есть На реках Вавилонских: посем Аллилуиа и величание святым новомучеником. Таже поем псалом избранный новомучеников, и тропари Ангельский собор: Ипакои, и седальны новомучеников вси по единожды. Степенна и прокимен гласа. Всякое дыхание: Евангелие воскресно ряду. Воскресение Христово: По 50-м псалме Покаяния отверзи ми двери: Канон воскресен со ирмосом на 4, Богородице из Октоиха на 2, Триоди на 4 и новомучеником на 4. Катавасия Сушу глубородительную землю: По 3-й песни кондак и икос новомучеником, Слава, седален новомучеником, И ныне, седален Триоди. По 6-й песни кондак и икос Триоди. По 9-й песни светилен воскресен, Слава, новомучеником, И ныне, Триоди. На хвалитех стихиры воскресны 4, новомучеником 4 со славным с припевами их, Слава, Триоди, И ныне, Препоблагословенна еси: Перед первым часом стихира евангельская. На литургии блаженна гласа, на 4, и Триоди, песнь 3-я на 4, и новомучеником на 4. По входе тропарь воскресен, новомучеником, кондак воскресен, Слава, кондак новомучеником, И ныне, кондак Триоди. Прокимен, Апостол, аллилуарий, Евангелие и причастен воскресны и новомучеником.

НА МАЛЕЙ ВЕЧЕРНИ,

На Господи, воззвах: стихиры воскресны 4. Слава, новомучеников, глас 8:

Земля Русская небо земное бысть: / в своих разселинах тела новомучеников
и исповедников сокрывши / и тех небесною славою просиявши, / иже своими
кровьми оросиша ю, / пострадавше от слуг сатанинских за веру Христову / во
искупление грехов богоотступления.

И ныне, Богородичен, гласа малыя вечерни.

На стиховне стихира воскресна едина.

И стихиры новомучеников, глас 1:

О велицыи страсотерпцы новомученицы Российстии, / с любовию припадаем
к вам, / и прославляюще ваша подвиги, / благоговейно лобызаем раны ваша, /
молите, молимся, о душах наших.

Стих: Разжегл ны еси, / якоже разжизается сребро.

О славнии новомученицы российстии, / егда оскудеваше вера, / укрепляете ю
исповеданием вашим, / егда изсякаше любы, / любве ради ко Христу дасте себе на
муки и смерть, / егда колебашесь надежда, / утверждаете ю вашим упованием на
Бога, / Егоже молите, / да укрепит в нас веру, надежду и любовь.

Стих: Воззваша праведнии / и Господь услыша их.

Не человецы спасают Церковь, / и ничтоже пользует согласие со враги Ея, / но
Церковь спасает человеки силою Христовою, / якоже подвиг ваш показа. / **О**
непоколебимии новомученицы Российстии, / воистину есте слава Церкви, / о
нейже прилежно молитесь, / да непоколеблему утвердит Ю Христос.

Слава, глас 2.

О дивное воинство новых страдальцев Российских! / Кто возможет достойно
прославить вас! / Воистину блаженна земля, / напившаяся кровью вашими, /
грады же и веси ея тайно освятишася, / восприимше честнии останки ваша, /
множицею без пения церковнаго, / такожде же и без погребения честнаго. / **Но**
молитесь, святии, о стране вашей / и о всех чтущих вас.

И ныне, Богородичен, глас тойже.

Кто Тя по достоянию похвалит и ублажит, Отроковице Богоневестная, о еже
Тобою бывшем мирови избавлении; благодаряще убо зовем Ти, глаголюще:
радуйся, Яже Адама обожившая, и разстоящая совокупившая. Радуйся,
просветившая род наш светоносным Воскресением Сына Твоего и Бога нашего:
Тя бо христианский род непрестанно ублажает.

По Ныне отпускаеши: и по Отче наш: тропарь воскресен.

Слава, тропарь новомучеников, глас 4:

Цвети Российскаго луга духовнаго / в годину лютых гонений дивно
процветшии / новомученицы и исповедницы безчисленнии: / святителие,

царственнии страстотерпцы и пастырие, / монаси и мирстии, мужие, жены же и дети, / добрый плод в терпении Христу принесшии, / молитесь Ему, яко насадителю вашему, / да избавит люди Своя от безбожных и злых, / да утверждается же Церковь Русская / кровьюми и страданияи вашими / во спасение душ наших.

И ныне, Богородичен:

Еже от века утаенное, и ангелом несведомое таинство, Тобою, Богородице, сущим на земли явися: Бог в неслитном соединении воплощаемь, и Крест волею нас ради восприим, имже воскресив первозданнаго, спасе от смерти души наша.

НА ВЕЛИЦЕЙ ВЕЧЕРНИ,

**по кафисме, на Господи, возвах: стихиры воскресны 4
и новомучеником на 6, глас 1:**

Начало ныне положим, о братие, / молением теплым к новым угодником Божиим: / тии бо страшными мучении очищаемы, / рождие плодоносныя лозы Христовы явишася, / сладостию благодати обильно напоаемы, / во благоухании святости их нам предлагаемы, / да со умилением назидаящеся подвигом их, / принесем Богу и мы плод покаяния.

Начало крещения страшнаго, / имже паки крестися земля Русская, / восхвалите, О горы Киевския, / крестом апостола Андреа благословенныя. / Идеже бо благодать возсия роду нашему / от веры же и Духа во отвержение Царствия Божия, / тамо подобаше начатися и сему обновлению / кровию первозакланнаго от святителей русских, / тезоименнаго просветителю нашему. / Сей бо Владимир новый, / из виноградника своего изведен / за врата священныя Лавры Печерския, / венчания Стефанова сподобляется, / прощая и благословляя убивающих его, / яко кроткий молитвенник о душах наших.

Рыдание, жалость и горе: / се свиток Иезекиилев, насытивый душу твою, / святе Тихоне, Патриарше наш! / Да услышится и ныне глас твой: братие, архипастырие и пастырие, / зовите чада ваша на защиту Церкви православныя. / Да услышат же и разорители храмов Божиих огненное слово твое: / аще еще токмо именем христианским нарицаетесь, / властью нам от Бога данною анафематствуем вас. / О страшнаго отлучения вечнаго! / Се анафема никимже разрешаема! / Се дерзновение патриаршее!

Неблагодарными едины оставленны, / святе царю наш страстотерпче Николае, / святая царице Александро Новая, / небесных же наследниче отроче Алексие, / царственнии девственницы Ольго, Татиано, Марие и Анастасие, / седмерице святая, многими унижении восход обретшая, / сострадальцы четыре с собою привлекающая, / молитесь с ними Всеблагому Богу, / да прощения сподобит многопрегрешившия люди российския, / умирят же мир и спасет души наша.

Ины стихиры, глас 4:

Кроток, но непоколебим был еси, / Петрова града избранниче, / священномучениче Вениамине, / копронимы новыми обреченный, / лжепастырьми преданный власти богоборней. / Тогда же яви тя Бог учителя безбоязненна, / и се завет твой, из заточения возвещенный: / да не пощадим мы себе Церкви ради / и не предадим Святую Церковь себе ради. / На суде же беззаконнем твое слово бысть всем дивно: / жизнь ли или смерть ныне возвестите ми, / аз же знаменовав себе святым крестом, реку: / слава Тебе, Господи, Боже, о всех.

Жертвы Богу живопогребенныя / в кладезеподобный ров низринутыя: / прежде всех Елисавета страстотерпица, / к горним устремленная княгиня милосердная, / бисер православия в новом Отечестве обретшая, / Евангельски убийцу мужа своего простившая, / молитвою и благотворением Богу угодившая, /

безбожными же непощажденная. / Помолитесь за нас святии князие, / помолитесь за всех преподобнии стратотерпицы, / Елисавето с Варварою верною. / Услышите нас, в веси Гефсиманийстей погребенныя, / услышите нас и тии, ихже погребение неведомо. / Услышите нас паки вкупе приятыя во обители Небесныя, / святая осмерице, молитв Бога о нас.

Слава, глас 8:

Адамантово мужество ваше / слава есть Церкви Российския, / стратотерпцы и исповедницы новии, / ученицы бо есте Филипповы и Ермогеновы, / приснии же многострадальному Патриарху Тихону, / иже и даде вам имя свое. / Пребысте терпением в бедах, / гоними и убиваемыи. / Но кто изочтет и муки, горшия смерти; / обаче явистесь и проповедателие сущим с вами во узах, / просветителие прежде неверующих, / строителие святых таинств. / Велия вера ваша, / во всем явисте себе, яко Божии слуги.

И ныне, догматик гласа.

Вход, прокимен, и чтения 3.

Пророчества Исаиина чтение (глава 43):

Тако глаголет Господь: вси языцы собращася вкупе, и соберутся князи от них. Кто возвестит сия в них или яже от начала, кто слышана сотворит вам; да приведут свидетели своя, и оправдятся и да услышат, и да рекут истину. Будите Ми свидетели, и Аз свидетель, глаголет Господь Бог, и Отрок егоже избрах, да познаете и веруете Ми, и разумеете, яко Аз есмь: прежде Мене не бысть ин Бог, и по Мне не будет. Аз есмь Бог, и несть разве Мене спасаей. Аз возвестих, и спасох, уничижих, и не бе в вас чуждий. Вы Мне свидетели, и Аз Господь Бог, и еще от начала Аз есмь: и несть от рук Моих избавляей. Сотворю и кто отвратит то; сие глаголет Господь Бог, избавляей вас Святыи Израилев.

Премудрости Соломоновы чтение (глава 3):

Праведных души в руке Божией, и не прикоснется их мука. Непщевани быша во очесех безумных умрети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я, и обрете их достойны Себе. Яко злато в горниле искуси их, и яко всеплодие жертвенно прият я. И во время посещения их возсияют: и яко искры по стеблию потекут: судят языком, и обладают людьми, и воцарится Господь в них во веки. Надеющиися Нань разумеют истину, и вернии в любви пребудут Ему: Яко благодать и милость в преподобных Его, и посещение во избранных Его.

Премудрости Соломоновы чтение (глава 4):

Праведник аще постигнет скончатися, в покои будет. Старость бо честна не многолетна, ниже в числе лет исчисляется. Седина же есть мудрость человеком, и возраст старости, житие нескверное, благоугоден Богови быв, возлюблен бысть, и живый посреде грешник преставлен бысть. Восхищен бысть, да не злоба изменит

разума его или лезть прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга: угодна бо бе Господеви душа его, сего ради потщася от среды лукавствия. Людие же видевшие, и не разумевше, ниже положше в помышлении таковое: яко благодать и милость в преподобных Его, и посещение во избранных Его.

Стихира на литии, глас 8:

Ангели Божии радостнии / призывают, да возрадуемся вси! / Сии бо радующиеся и о едином грешнице кающемся, / ликовствуют о множестве новых святых, / о мученицех и исповедницех Церкви Российской, / блистающиеся страданьями их: / се Царь, и сущии от дома Его, / Патриарх, иерарси, священницы, монаси / и множество человек всякаго звания, / узами и лишеньми искушеннии, / мученьми же лютыми и многообразными / и смертию, яже введе их в жизнь безконечную. / Сего же ради подвига их / дадеся им благодать молитися за ны, / царское бо суть тии священие, / надежда рода нашего обновления, / возвестители милости Спаса нашего, / призвавшаго их в Свой чудный свет.

Слава, и ныне: Богородичен, глас тойже:

Заступнице усердная, / скорбящих присное радование, / утешительница еси призывающих Тя в час испытания, / Пресвятая Владычице Богородице, / виждь храмы Сына Твоего разоренныя, / возри на поругание безбожными смиренных служителей Его, / услыши стенания рабов Твоих, / и Сама со страстотерпцы святыми / заступи и помилуй нас.

На стиховне стихиры воскресны.

Слава, глас 6.

О святии смиреннейшие священницы исповедницы, / зрим вас, како в страшную годину гонений / далече от домов ваших сослани бысте. / Зрим вас, гладных, цинготных, вида своего лишенных, / струпиями кровоточащими покровенных, / приставники биемых и сна лишаемых, / плачущих о чадах оставленных / и о матерех их беззащитных. / И кто испишет имена ваша! / Кто поведает миру вся претерпенная вами! / Обаче ведает Бог избранныя Своя, / сохранившия залог, врученный им даже до смерти, / и сего ради дерзновение имущия молитися о нас.

И ныне, Богородичен, глас тойже.

Богородице, беспомощным помоще! / Помози и ныне страждущим людем страны Российской, / в заточении, в муках, или в тяжких обстояниях сущим. / Тебе молимся, молися Владычице / со святыми новомучениками и исповедниками рода нашего, / избавитися от бед многих рабом Твоим.

Тропарь, глас 4: Цвети Российскаго луга духовнаго:

Или сей тропарь, новосоставленный, глас тойже:

Днесь радостно ликует Церковь Русская, / яко мати чада, прославляющи новомученики и исповедники своя: / святители и иереи, / царственныя

страстотерпцы, / благоверныя князи и княгини, / преподобныя мужи и жены / и вся православныя христианы, / во дни гонения безбожнаго / жизнь свою за веру во Христа положившия / и кровью Истину соблюдшия. / Тех предстательством, Долготерпеливе Господи, / страну нашу в Православии сохрани до скончания века.

И ныне, Богородичен, глас тойже: Еже от века утаенное:

НА УТРЕНИ

На Бог Господь: тропарь воскресен [дважды].

Слава, глас 4:

Цвети Российскаго луга духовнаго / в годину лютых гонений дивно процветшии / новомученицы и исповедницы безчисленнии: / святителие, царственнии страстотерпцы и пастырие, / монаси и мирстии, мужие, жены же и дети, / добрый плод в терпении Христу принесшии, / молитесь Ему, яко насадителю вашему, / да избавит люди Своя от безбожных и злых, / да утверждается же Церковь Русская / кровьюми и страданиями вашими / во спасение душ наших.

И ныне: Богородичен, глас тойже:

Еже от века утаенное, / и ангелом несведомое таинство, / Тобою, Богородице, сущим на земли явися: Бог / в неслитном соединении воплощаемь, / и Крест волею нас ради восприим, / имже воскресив первозданнаго, / спасе от смерти души наша.

Полиелей и величание:

Величаем вас, святии новомученицы и исповедницы Российстии: и чтем честная страдания ваша, яже за Христа претерпели есте.

Псалом избранный: Бог нам прибежище и сила.

Ангельский собор: посем ектения малая и возглас:

Яко благословися имя Твое:

По полиелеи ипакои гласа, таже седален святых, глас 1:

Проидосте сквозе огонь мучения и воду слез, / изведе вы Господь в покой святых, / новомученицы и исповедницы Российстии, / ходатаи возвания к Богу разумеющим / и лобызающим подвиг ваш. / Слава Предуведевшему произволение ваше, / слава Предуставившему вас к славе Небесней, / слава Подающему нам вами велию милость.

Ин седален, глас тойже.

Яко любящим Бога, вам, / о страсотерпцы, / вся претерпенная на земли быша во благое. / И прешли есте, яко избранныи, / к обещанному наследию вечных благ. / Слава Давшему вам в тяжких муках крепость, / слава Венчавшему вас, / слава Действующему вами спасение наше.

Слава, глас 3.

Возсияли есте на тверди церковней, / святителие престолов Российских первейших: / Тихоне Святейший Патриарше, / анафему врагом Креста пламенне изрекий, / Владимире святителю Киевский, / зрелейший начаток новых плодов сада Русскаго / и Вениамине светильниче Петроградский, / издетска возжелевый за Христа страдати, / еже и бысть. / Славятся же с вами и вси страсотерпцы новии. / Мы же со умилением вам сице рцем: / радуйся, соборе крепкий терпеливый! / Будите молитвенницы дерзновеннии о всех молящихся вам.

И ныне, Богородичен, глас тойже:

Красоте девства Твоего, / и пресветлой чистоте Твоей, / Гавриил удивився, вопияше Ти, Богородице: / кую Ти похвалу принесу достойную, / что же возименую Тя; / недоумеваю и ужасаюся. / Темже яко повелен бых, вопию Ти: / радуйся, Благодатная.

Таже степенна воскресна, прокимен и Евангелие воскресное.

З р и: Аще храм святым:

Прокимен, глас 4:

Прокимен: Тебе ради, Господи, * умерщвляеми есмы весь день.

Стих: Вменихомся яко овцы заколения.

Евангелие воскресное.

По 50 псалме стихира, глас 6:

Воскресения Христова истиннии свидетели / явишася новии страсотерпцы и исповедницы, / имже праздник сей составихом / како бы тии понесли крест свой, / аще не бы знали, / яко недостойнии суть страдания нынешняго времени, / к хотящей славе явиться в них.

Даже до zde храма святым.

КАНОНЫ:

Воскресный и Богородицы гласа. Аще в Неделю мытареву, или блуднаго, или мясопустную, смотри Маркову главу ианнуариа в 30-й день. Таже новомучеников канон, глас 6:

Песнь 1

Ирмос: Волною морскою скрывшаго древле, / гонителя мучителя, / под землею скрыша спасенных отроцы: / но мы яко отроковицы, / Господеви поим, / славно бо прославися.

Припев: Святии новомученицы и исповедницы российстии, молитвe Бога о нас.

Господи Боже мой, помози ми смиренно воспети славу новомучеников и исповедников российских, имже за тяжкия страдания любовию отверзл еси двери небесныя.

Господи Боже наш, славу сию мучеником от века бывшим даровавый, яко мощи их сеются во храмах обновления нашего ради, подаждь славу сию и страстотерпцем новым, аще и неведома суть места погребения их.

Царства земнаго лишенный, Царю же Небесному и в бедствиях своих до конца верный, молися ему, святой царю мучениче Николае¹, еже не лишитися и нам утешения благодатнаго в бедах наших.

От руки священномученика Владимира деревянный посох первопрестольника святителя Петра приемый, взыщи мя, овцу заблудшую, горохищную, о святой патриарше и отче наш Тихоне², обличителю сынов противления.

Богородичен: Во успении Твоем мира не оставила еси, Владычице! Не оставила еси и страну Российскую, но благоволила еси прияти хвалу от новых святых страстотерпцев.

Песнь 3

Ирмос: Тебе на водах повесившаго всю землю неодолимо, / тварь видевши на лобнем висима, / ужасом многим содрогашеся, / несть свят, разве Тебе, Господи, / взывающи.

Кую дань слова принесем вам, вернии свидетелие слова, доблии страстотерпцы и пастыре, вменившийся, яко овцы заколения.

Тебе, о Владимире³, первосвятителю Церкви Российской, соименне святому просветителю Руси, подобаше предначати славное поприще борения и страданий. Преводиши ты боговенчаный полк страстотерпцев, и да воздается ти первый венец похвалы.

¹ Святой мученик царь Николай II Александрович († 4 июля 1918)

² Святитель и исповедник Тихон (Беллавин), Патриарх Московский и всея России, чудотворец († 25 марта 1925, прославление 26 сентября 1989, обретение св. мощей 6 февраля 1992, память с прочими Московскими святителями 5 октября)

³ Святой священномученик Владимир (Богоявленский), митрополит Киевский и Галицкий, в Киевских Дальних пещерах почивающий († 25 января 1918)

Посреде ополчения добляго зрим и ты, священная главо, первосвятителю града святого Петра, святителю Вениамине¹, возлюбленный паствою твоею, якоже Иаковом тезоименитый ти древлий патриарх.

Первый в чине пресвитерстем новомучеников ты явился еси, Иоанне пресвитере², во Америце прежде престолу Божию предстоявый. Яко лютых безбожник в Царском Селе обличителя, венча тя Господь венцем мученическим, якоже и другаго Иоанна восторгоименнаго³, в слове и в мужестве пред мучители дивнаго, с ними же, вси священномученицы нови, заступите нас.

Богородичен: Премилосердая Мати, Пречистая Дево, споболевшая Сыну и Спасу Своему, вемы тя Утешительницу чадолюбиву: и оставльшимся во стране Российстей и в разсеянии сущим рабом Твоим.

Ин кондак, новосоставленный, глас 3:

Днесь новомученицы Российстии / в ризах белых предстоят Агнцу Божию / и со Ангелы песнь победную воспевают Богу: / благословение, и слава, и премудрость, / и хвала, и честь, / и сила, и крепость / нашему Богу / во веки веков. Аминь.

Кондак, глас 2.

Новии страстотерпцы Российстии, / исповеднически поприще земное претекшии, / страданьми дерзновение приимшии, / молитесь Христу, вас укрепившему, / да и мы, егда найдет на ны испытания час, / мужества дар Божий восприимем. / Образ бо есте лобызающим подвиг ваш, / яко ни скорбь, ни теснота, ни смерть / от любве Божия разлучити вас не возмогоша.

Икос.

Егда начинахуся дние огненнаго искушения Церкви Российския и не благоволи Господь прияти от нас всесожжения и жертвы, тогда мнози архиереи и священники не приложишася плоти и крови, но уразумевше волю Господню, сами себе принесоша, яко непорочное заклание. И вслед Первосвященника вечнаго и Ходатая Новаго Завета внидоша сии во святилище с кровию своею, да очистятся грехи людстии. Славни суть имена ваша, мужественнии страстотерпцы, образ бо нам есте, лобызающим подвиг ваш, яко ни скорбь, ни теснота, ни смерть от любве Божия разлучити вас не возмогоша.

Седален, глас 8.

Немоцию плоти нам подобострастнии, / духом в меру древлих отцев тшались есте, / о непреклоннии священноисповедницы Российстии, / иже в разоренную обитель Соловецкую / и во иная места заточения ссылаемии. / Умножающимся же страданиям вашим, / избыточествоваше тайно и утешение от Господа, / имже

¹ Святой священномученик Вениамин (Казанский), митрополит Петроградский и Гдовский († 31 июля 1922)

² Святой священномученик Иоанн (Кочуров) протоиерей, Царскосельский, Петроградский († 31 октября 1917, память 8 декабря)

³ Святой священномученик Иоанн (Восторгов) протоиерей, Московский († 22 августа 1918)

ныне истее утешаетеся, / в невечерний день достигше Царствия Христова, / в немже не престайте, молим вас, / молящися о спасении душ наших.

Слава, глас 1.

Пресвитер Алексей от рода крестозванного, / старостию **Анне** пророчице равный, / волею за юна пастыря союзника своего смерть приемлет, / яко **Евангелия** послушатель. / **Петр** же иерей скиптроименный / во уста своя от увещаемаго им застреляется. / **Слава** Давшему мнозем священником на безбожники крепость, / слава **Наставившему** и **диаконы** мученики, / слава **Дарствующему** таковым благодать молитися за ны.

И ныне: Грядущаго предпразднства, глас тойже.

Радуются новомученицы и исповедницы рода нашего, / сретающе **Господа** и **Владыку** своего, / **Егоже** иногда сrete святыи старец **Симеон**, прирекий: / ныне отпускаеши раба Твоего, **Владыко**. / **Сподоби**, **Господи**, и нам в час исхода от жизни сея / временныя прощенным быти и отпущенным с миром, / молитвами **Пречистыя** **Владычицы** нашей **Богородицы** / и ныне воспеваемых **угодников** Твоих / и всех **святых**.

Песнь 4

Ирмос: На Кресте Твое Божественное истощание / провидя Аввакум, ужасся, вопияше: / Ты сильных пресека еси державу, Блаже, / приобщаяся сущим во аде, яко Всесилен.

Оскверненная дела безбожник земля кроплением кровей ваших паки благословляется. **Воды** же морския и речныя тела потопляемых **святых**, яко священние, влагаемое в тыя, восприяша.

Ермогену **Московскому** тезоимените, **свительнице** **Тобольский** священномучениче новый, все житие твое, яко пламень, **егоже** река **Тура** никакоже угаси. **Потопляем** бо возшел еси ко **Господу** твоему, **бием** же по устнама до конца немолчно молил еси, **молишися** же и ныне за ны.

Страшно есть слышимое о мучениих **святаго** архипастыря **Пермскаго** **Андроника**, иже не бояся мук, повеле клятву изреши на безбожную власть. **Святитель** же **Черниговский** **Василий** со иными посланными от **Всероссийскаго** Собора уведети о **убиении** **андрониковом**, тогда с ними пострада, **вкупе** же вси **Господу** предстоят.

Святителя **Иосифа** древле от **разинцев** **убиеннаго** прославивый, архипастырь **Митрофан** жестоко нощию умерщвляется. Тогда же и **сопископ** его **Леонтий** пострада. Тако едином светом **Царствия** **Небеснаго** сии **трие** священномученицы **Астраханстии** озаришася.

Богородичен: О, коль мнози **святые** **иконы** ныне **руками** **безбожных** отъяты от **верных**, но не исторгнется **образ** **благия** **Утешительницы** из **сердец** **молящихся**, **свободы** **лишенных** **исповедников** **святые** **веры**.

Песнь 5

Ирмос: Богоявления Твоего, Христе, / к нам милостивно бывшего, / Исаия свет виде в не вечерний, / из ноши утреневав взываше: / воскреснут мертвии, / и востанут сущии во гробех, / и вси земнороднии возрадуются.

Петре и Кирилле, исповедницы велицыи и непреклоннии, нравом различнии, но едины в вере и твердости духа, аще и сослани бысте, обаче всю правду церковную удержали есте, ныне же, яко наследницы Царства Небеснаго, молитесь Богу о еже сохранитися и нам в правде сей.

Агафангеле, ангеле Ярославльския церкви, радуйся со други своими. Отложение бо ваше от собратий, в правде церковней не устоявших, радость ангелом бысть. Не восхотели есте покорити себе нечестию: сего ради и изыдоште, на скорбь и лишения, крест свой носяще.

Арсение, великаго Новаграда славо, едины от столпов Собора Всероссийскаго, прискорбна бо привременно душа твоя, в темнице ти сушу, но просия вскоре победно вера твоя, побеждающая вся искушения: и явился еси до конца непреклонен.

Дамаскиново житие да умилит вся чтущия. Како бо и на островех Соловецких, и в Казахстане и во стране Сибирской, восходя к Голгофе своей. Како мразом сибирским томим, при брезе реки неимущему иерею верхнюю рясу свою отдаде. Сам же в стуже зимней на плоту Богу дух предаде, един от тех, ихже мир весь недостоин бе.

Богородичен: Наставнице святителей твердых, Пречистая Дево, настави нас мыслити и глаголати, и деяти точию правая, ревнующе не пожалевшим себе исповедником.

Песнь 6

Ирмос: Яг бысть, / но не удержан в персех китовых Иона: / Твой бо образ нося, страдавшаго, / и погребению давшагося, / яко от чертога от зверя изыде: / приглашаше же кустодии, / хранящии суетная и ложная, / милость сию оставили есте.

Едема сладчайшаго наследницы показастесь, новомученицы земли Русския: блажени есте, како от плача вашего утешистесь на небесей: возжадали есте правды, еяже насыщаетесь изобильно в Царствии Небеснем.

Дщери царевы с матерью святою в заточении суровем утешение себе от писаний святых отец почерпаху и тако Христу увестившася. Алексей¹ же отрок, брат их, рукама царя мученика внесен бысть тамо, идеже сии царственнии с четверицею сострадальцев убиени бывше, яко жертвы одушевлению за род наш Богу предсташа.

¹ Святой мученик царевич Алексей Николаевич († 4 июля 1918)

Шахта гроб бысть, в ней же Елисавета¹ преподобномученица сконча царственный путь свой с Варварою о Господе сестрою и с прочими шестию. Таможде княгиня страсотерпцу князю Иоанну рану обяза. О святии Алапаевстии мученицы осмочисленнии, уврачуйте ныне раны душ наших.

В страшныя дни сии пострадавшии во стране нашей Российстей угодницы Божии, знаменитии и неведомии, монаси, инокини, мужи и жены со чада, укрепите ны молитвами вашими, еже исправляти нам пути наша пред Господем, поминающе подвиг ваш.

Богородичен: Множицею избавися от бед и зол род наш, молящимся людем пред Твоими, о Богомати, святыми иконами, совокупи и ныне, Владычице, вся моления наша о избавлении от лютейшия беды, предстательством Твоим.

По 6-й песни кондак воскресный и икос его.

Песнь 7

Ирмос: Неизреченное чудо, / в пещи избавивый преподобныя отроки из пламене, / во гробе мертв бездыханен полагается, / во спасение нас поющих: / Избавителю Боже, благословен еси.

Страданьми вашими Церковь Русская славится, мученицы новии, сродницы наши чина и сословия всякаго, за Христа от безбожных убиеннии, во спасение нас поющих: Избавителю Боже, благословен еси.

Оружие крест и щит веру во Христа, страдания же и смерть прияли есте, во спасение нас поющих: Избавителю Боже, благословен еси.

Злобу слуг сатанинских, сожженную совесть имущих, обличи сожигаемый сими святитель Иоанн Рижский², такожде и повешеннии: святитель Воронежский Тихон³, и пресвитер Симферопольский Алексей⁴ и прочие зверонравне умученнии. Тебе же, о Господи, сии в Царстве Твоем светлем зывают: Избавителю Боже, благословен еси.

Страсотерпцы младенцы убиенныя, яко птицы чистыя в гнезда небесныя приемлет Господь, непрестанно в раи воспевающия: Избавителю Боже, благословен еси.

Богородичен: Избавительнице людей Твоих присная, умоли Сына и Бога Твоего паки избавити дом Твой от лютейшия всех прежде бывших беды, да со умилением возглаголем Ему, спасеннии Тобою: Избавителю Боже, благословен еси.

¹ Святая преподобномученица великая княгиня Елисавета Феодоровна, в схиме Алексия († 5 июля 1918)

² Святой священномученик Иоанн (Поммер), архиепископ Рижский и Митавский († 29 сентября 1934)

³ Святой священномученик Тихон (Никаноров), архиепископ Воронежский и Задонский († 27 декабря 1918)

⁴ Святой священномученик Алексей (Назаревский) протоиерей, Симферопольский († 1918)

Песнь 8

Ирмос: Ужаснися бойся небо, / и да подвижутся основания земли: / се бо в мертвецех вменяется в вышних Живый, / и во гроб мал странноприемлется. / Егоже отроцы благословите, / священницы воспойте, / людие превозносите во вся веки.

Испрасте ризы ваша кровьми своими, убелисте же их кровию Агнца, за человеки закланнаго, Егоже отроцы благословите, священницы воспойте, людие превозносите во вся веки.

Ублажим святителя Иосифа Петроградскаго¹, непорочности Церкви тайный ревнителя, в прогнании ложе свое между свиньями нечистыми имевшаго, и слышим его нам в слух сердца глаголюща: страданьми своими и верностию превозносите Христа во вся веки.

Славны и в житии и в кончине своей святители Серафим Угличский² и Максим Серпуховский³, он же и врач, на тайное епископство благословенный. Многотрудно есть служение Церкви гонимья, егоже и совершивше сии, предсташа Христу Богу, моляще его о стаде своем, славяще же Его присно во веки.

Небесная хвалы личе неусыпный, новомученицы добропобеднии земли Русския, ныне присно причащаетеся Агнца присноживотнаго, за Негоже от безбожных убиени бысте, Егоже отроцы благословите, священницы воспойте, людие превозносите во вся веки.

Богородичен: Пресвятая Владычице, спаси, свободи и поныне страждущия рабы Твоя, даруй им терпение и крепость. В Тебе полагаем надежду всю, блажим Тя присно и превозносим Сына Твоего и Бога во веки.

Песнь 9

Ирмос: Не рыдай мене, Мати, / зрящи во гробе, / Егоже во чреве без Семене зачала еси Сына: / встану бо и прославлюся и вознесу со славою, / непрестанно яко Бог, / верою и любовью Тя величающия.

О новии стратотерпцы, иже подвиг противу злобы безбожных подъяша, веру Христову яко щит пред учении мира сего держаше и нам образ терпения и злострадания достойно являюще.

О твердости и мужества полка мученик Христовых, за Христа убиенных! Тии Церковь православную украсиша и в стране своей крови своя, яко семя веры, даша. Купно со всеми святыми достойно да почтутся.

¹ Святой священномученик Иосиф (Петровых), митрополит Петроградский и Гдовский († 7 ноября 1937)

² Святой священномученик Серафим (Самойлович), архиепископ Угличский († 27 октября 1937)

³ Святой священномученик Максим (Жижиленко), епископ Серпуховский († 22 мая 1931)

Слышим вси, како чудная Лидия¹, в страданиях, аще и плачущи, твердая, на сострадание Кирилла² подвиже, иже и бысть ей щит, меч же мучителем зверствовавшим. И спасе Христос Кирилла купелию крове его. Сия поведавый Церкви Алексий³ и сам пострада. Молитвами сих триех, Боже, помилуй нас.

О святии, ихже zde помянухом, и множайшее множество неведомых! Простите убожество словес сих, да напишутся еще похвалы, вам подобающия. Исчислити вас невозможно есть. Всех же молитвами, да примут чтущия вас от Господа и Владыки живота нашего благодать и велию милость.

Богородичен: О Всепетая Мати! Аще и разорися от злых великая церковь Твоя Печерская, в ней же священномученик Владимир приблизившуся дни убиения его, со многим умилением акафист чтый, Тебе моляшеся, но не оскудеет во век к людем кающимся милость Твоя. Радуйся, Обрадованная, во Успении Твоем нас не оставляющая!

Светилен:

Вельми светел явися нам подвиг ваш, святии новомученицы и исповедницы во дни сия, малодушием омраченныя, оскуде бо вера за умножение беззаконий наших, охладе любви, поколебася надежда, доблесть же ваша озари славою новою Русскую Церковь.

**На хвалитех стихиры воскресны Октоиха,
таже святых новомучеников, глас 6.**

Подобен: Все отложше:

Слыша страшну весть / о гонениях, на Церковь Божию воздвигнутых, / Всероссийский наш Собор, священный и великий, / во едину мысль соборну вся совокупи / и моления устави о гонимых / и о убиенных исповедницех и мученицех / в день святителя Владимира страдания и смерти. / Мудрствуяй сей день со Церковию мудрствует: / дние преставления отшедших к Богу в муках / деньми рожества их наречени быша. / Сего ради совершаем праздник сей, / яко рожество Российских новых страсотерпцев.

Первоубиеннии за Веру и Церковь, / первии по имени поминовении Святейшим Патриархом: / о святителю Владимире, Печерский агнче,⁴ / и пресвитеры старейшии сии: / Иоанне⁵, Петре⁶ же Иосифе⁷ и Павле,⁸ / преподобномученицы же Гервасие,⁹ Герасиме,¹ / паки же священномученицы

¹ Святая мученица Лидия Уфимская († 20 июля 1928)

² Святой мученик воин Кирилл Атаев († 20 июля 1928)

³ Святой мученик воин Алексий Иконников († не ранее 1928, память 20 июля)

⁴ Святой священномученик Владимир (Богоявленский), митрополит Киевский и Галицкий, в Киевских Дальних пещерах почивающий († 25 января 1918)

⁵ Святой священномученик Иоанн (Кочуров) протоиерей, Царскосельский, Петроградский († 31 октября 1917, память 8 декабря)

⁶ Святой священномученик Петр (Скипетров) протоиерей, Петроградский († 19 января 1918)

⁷ Святой священномученик Иосиф (Смирнов) протоиерей, Костромской († 22 февраля 1918)

⁸ Святой священномученик Павел (Дернов) протоиерей, Елабужский († 14 февраля 1918)

⁹ Святой преподобномученик Гервасий, игумен Свенский, Брянский († 1918)

Павле,² Петре³ и Феодоре,⁴ / Михаиле,⁵ и Владимире⁶ и Константине,⁷ / диаконе Иоанне,⁸ послушнике Антоние⁹ и смотрителю Иоанне¹⁰ / со многим множеством священных, и монахов, и мирских, / ихже имена вся вестъ Господь, молитв Его о еже спастися нам.

Стих: Блажен муж бояйся Господа, в заповедех Его восхоцет зело.

Вкупе со святым царем на всяк день оскорбляеми, / о святии царице страстотерпице и девы царственнии, / отроче же царственный святой / и послуживший вам сострадальцы вернии, / нощию неправедне вси убиени бысте, / таже, яко жертвы правды всеожжени / ходатаи есте о нас, яко кадило Богу благовонное. / С вами же и во другой день в страшных муах живопогребеннии / со княгинею святою и другинею ея. / Ныне же всех спстрадавших предваря, о царю Николае, / рода нашего святой печальниче, / яко новый Иов, Господа моли протити всех.

Стих: Священницы Твои облукутся в правду, и преподобнии Твои возрадуются.

Глас 8.

Отрекошася просити милости / осужденнии от безбожников священницы Божии¹¹ / ихже благослови святой Патриарх, / на муки и на смерть за Христа. / Егда же воутрие ведоми быша на казнь, / не ведяху стражие, / како сретшия их верныя отгонити. / Лобызаху бо людие обреченным смертником / и священныя руже их и одежды край, / онем победно поющим: / Христос воскресе из мертвых, / смертью смерть поправ. / Господи молитвами священномучеников сих помилуй нас.

Слава: Стихира Евангельская [или Триоди].

**Зри: Аще храм новомучеников, Слава: стихиры святых,
глас 1: Не человецы спасают Церковь: [на малей вечерни].**

И ныне: Богородичен, глас 2: Препоблагословенна еси, Богородице Дево:

¹ Святой преподобномученик Герасим, священноинок Свенский, Брянский († 1918)

² Святой священномученик Павел (Кушников) иерей, Бельский, Новгородский († 23 февраля 1918)

³ Святой священномученик Петр (Покрывалов) иерей, Тульский († 1918)

⁴ Святой священномученик Феодор (Афанасьев) иерей, Орловский († 1918)

⁵ Святой священномученик Михаил (Чафранов) иерей, Севастопольский († 1918)

⁶ Святой священномученик Владимир (Ильинский) иерей, Костромской († 22 февраля 1918)

⁷ Святой священномученик Константин (Снятиновский) иерей, Ярославский († 1918)

⁸ Святой мученик Иоанн (Касторский) диакон, Костромской († 22 февраля 1918)

⁹ Святой мученик Антоний, послушник Свенский, Брянский († 1918)

¹⁰ Святой мученик Иоанн Перебаскин, смотритель Солигаличского Духовного училища († 22 февраля 1918)

¹¹ Святые мученики, пострадавшие от безбожников во время так называемого “процесса московских священников”: святые священномученики протоиереи Василий (Соколов), Христофор (Надеждин) и Александр (Заозерский), священноинок Макарий (Телегин) и святой мученик мирянин Сергей Тихомиров († 20 мая 1922).

НА ЛИТУРГИИ:

Блаженны гласа на 6 и святых новомучеников на 4:

Помяни Господи, страшная мучения, имиже о Тебе пострадаша страсготерпцы новии, от рода нашего ныне прозябшии, и приими моления их о спасении нашем.

Отверзл еси, Судие праведный, Царство Небесное исповедником Церкви Российской. Услыши, Господи, правду их, вонми молению их о спасении душ наших.

Слава: О Троице Пребожественная! Возврати пленение наше. Ве мы, яко умножися якоже николиже прежде грех в стране нашей, но возсия и благодать в подвиге новых святых, иже и молят Тя, Трисвятый Боже, о спасении душ наших.

И ныне: Расточенныя собери, малодушныя возстави, отрехшиися же от святых веры призиви и обрати, о Благодатная и Пречистая Дево Марие, со святыми новомученики и исповедники Христа Спаса умоляющи / о прощении и спасении душ наших.

По входе тропари по уставу святых, имущих бдение, прилучившихся в неделю. Аще же Триодь, смотри Маркову главу ианнуариа 30-й день.

Прокимен гласа [или по Триоди]

и святых, глас 7-й:

Прокимен: Тебе ради Господи, * умерщвляеми есмы весь день.

Апостол рядовой и святых к Римлянам зачало 99.

Братие: Вѣмы же, ѿкъ любящымъ вѣа всѣхъ поспѣшествуютъ во бѣгоу, сѣщымъ по предвѣдѣнію званнымъ: иже во предвѣдѣ, (тѣхъ) и представи сообразныхъ быти образъ сѣа своего, ѿкъ быти еиже первороднѣ во многихъ братѣхъ: а иже представи, тѣхъ и призвѣ: а иже призвѣ, сѣхъ и оправдѣ: а иже оправдѣ, сѣхъ и прослави. **Ч**то оубо речемъ къ сѣмъ, аще вѣтъ по насъ, кто на ны, **И**же оубо своего сѣа не пощадѣ, но за насъ всѣхъ предаи естъ его, какъ оубо не и съ нимъ всѣхъ нами дарствуетъ; **К**то поиметъ на избранныя бжѣа, вѣтъ оправдаи. **К**то осудяи; **Х**ртосъ иисъ оумерый, паче же и воскресый, иже и естъ о деснѣу бѣа, иже и ходатайствуетъ о насъ. **К**то ны различитъ ѿ любвѣ бжѣа, скорбь ли, или тѣснотѣ, или гонѣніе, или глѣдъ, или наготѣ, или бѣдѣ, или мѣчь; ѿкоже естъ писано: ѿкъ тебѣ ради умерщвляеми есмы весь день: вѣбнихомъ ѿкоже овцы заколенѣа. **Н**о во всѣхъ сѣхъ преповѣждаемъ за возлюбльшаго ны. **И**звѣстихомъ бо, ѿкъ ни смѣръ, ни животъ, ни аггѣа, ни начаа, ниже сѣа, ни настоѣцаа, ни

градѣща, ни высотѣ, ни глубинѣ, ни ѿна твѣрь кѣмъ возмѡжетъ насъ различити ѿ
любвѣ бжїѣ, ѿже ѡ хрїстѣ иисѣ гдѣ нашемъ.

Аллилуиа гласа и святых глас 4:

Возваша праведнии и Господь услыша их и от всех скорбей избави их.

Евангелие рядовое и святых от Луки зачало 106.

Рече гдѣ своимъ оученикомъ: **Прежде** же сїхъ всѣхъ возложѣтъ на вы рѣки
своѣ и ижденѣтъ, предающе на сѡнница и темницы, ведѡмы къ царемъ и
владыкамъ, ѿмене моего ради: приидѣтъ же вамъ во свидѣтельство. **Положите** оубо
на сердцахъ вашихъ, не прежде подѣтитса ѿвѣщавати: азъ бо дамъ вамъ оуста и
прѣйрость, ѿже не возмѡгѣтъ противитса ѿнѣ ѿвѣщати вси противлѡщїиса
вамъ. **Предани** же вѣдете и родїтели и братїєю и родомъ и дрѣги, и оумертвѣтъ ѿ
васъ: и вѣдете ненавидими ѿ всѣхъ ѿмене моего ради: и власть главы вѣшеѣ не
погїбнетъ: въ терпѣнїи вѣшемъ стѣжїте дѣшы вѣшѣ.

Причастен: Хвалите Господа с небес:

И святых: Радуйтеся праведнии о Господе:

На молебном пении тойже прокимен: Тебе ради Господи: **но глас 4-й:**
[смотри стих на утрени]. **Евангелие от Матфеа зач. 36-е.**

МОЛИТВА СВЯТЫМ НОВОМУЧЕНИКОМ И ИСПОВЕДНИКОМ РОССИЙСКИМ

Святїи новомученицы и исповедницы Церкви Россїйскїя, услышите усердную
мольбу нашу! Вемы, яко неции от вас, еще отроцы суще, послушающе о древлих
страстотерпцех, в сердце своим помыслиша, колико прелюбезно и доброхвально
есть таковым подражати, ихже ни муки, ни смерть не разлучиша от любве Божїя.
Благо же вам, яко последовали есте вере и терпенїю тех, о нихже слышасте и ихже
возлюбисте. А понеже на всякое время возможно есть найти на ны испытанїем
нечаянным, испросите от Господа нам мужества дар, иже толико благопотребен
есть в житїи человечестем. Вся концы отечества нашего страданїи своими
освятївшии, яко общїя за вся ны молитвенницы, умолите Бога избавити отечество
наше от ига, ужаснейшаго паче всякаго иного. И да отпуститса нам и всему роду
нашему грех, на народе Россїйском тяготеющий: убиение царя, помазанника
Божїя, святителєй же и пастырей с паствою, и страдания исповедников, и
осквернение святынь наших. Да упразднѣтся расколы в Церкви нашей, да будут вси
едино, и да изведет Господь на жатву делатели Своя, сїесть да не оскудевает
Церковь пастырьми добрыми, иже имуть просвѣщати светом истинныя веры столь
великое множество людей, вере ненаученных, или от веры отвратившихся.
Недостойни есмы милости Божїя, обаче страданїй ради ваших Христос Бог наш да
ущедрит и помилует всех нас, в помощь вас призывающих. Мы же Ему, Спасителю

нашему, со Отцем и со Святым Духом сокрушение о гресех и благодарение за вся всегда да приносим, славяще Его во веки веков. Аминь.

ИНАЯ МОЛИТВА, НОВОСОСТАВЛЕННАЯ

О святити новомученицы и исповедницы Российстии: святителие и пастырие Церкви Христовы, царственнии страстотерпцы, благовернии князие и княгини, доблии воины, монаси и мирстии, благочестивии мужие и жены, во всяцем возрасте и сословии за Христа пострадавшии, верность Ему даже до смерти свидетельствовавшии и венец жизни от Него приявшии!

Вы во дни гонения лютаго, землю нашу от безбожных постигшаго, на судищах, в заточениях и пропастьех земных, в горьких работах и всяких скорбных обстояниях образ терпения и непостыднаго упования мужественне явили есте. Ныне же, в раи сладости наслаждающесе, пред Престолом Божиим во славе предстоите и присно хвалу и ходатайство со Ангелы и всеми святыми Троидиному Богу возносите.

Сего ради мы, недостойнии, молим вас, святити сродницы наши: не забудьте земнаго отечества вашего, грехом Каинова братоубийства, поруганием святынь, безбожием и нашими беззаконии отягченнаго. Умолите Господа сил, да утвердит Церковь Свою непоколебиму в мире сем многомятежном и лукавом; да возродит в земле нашей дух разума и благочестия, дух святости и страха Божия, дух братолюбия и мира: да паки будем мы царское священие, род Божий, избранный и святой, присно с вами славящий Отца и Сына и Святаго Духа во веки веков. Аминь.